

**Headline** Gracie Junita Sambung Belajar  
**Date** 05. Jul 2008  
**Media Title** Utusan Malaysia  
**Section** Yo!  
**Circulation** 238082  
**Readership** 833287  
**Language** MALAY  
**Page No** 18  
**Article Size** 428 cm2  
**Frequency** Daily  
**Color** Full Color



## Gracie Junita sambung belajar

MESKI pun kerap mewakili Malaysia, namun ratu terjun negara, Gracie Junita Terry Pega, 18, tidak pernah lupa kepada kepentingan akademik.

Buktinya, bekas pelajar Sekolah Sukan Bukit Jalil (SSBJ), Kuala Lumpur ini berjaya melanjutkan pelajaran ke institusi pengajian tinggi (IPT) mulai bulan ini.

Bermula Julai, puteri dari Sarawak ini menjadi mahasiswa prauniversiti bagi Universiti Putra Malaysia (UPM).

"Mulai bulan ini ada pelajaran baru untuk saya apabila menjadi penuntut prauniversiti UPM. Tempoh pengajiannya dua tahun.

"Selepas itu barulah tahu jenis pengajian di UPM. Walaupun sentiasa sibuk dengan sukan, namun saya akan belajar sehingga ke tahap paling maksimum," ujarnya kepada Yo!.

Menyentuh cita-cita kerjaya pula, Gracie Junita sebenarnya mahu menjadi model profesional.

"Sebelum menjadi model profesional, saya mesti belajar di IPT setinggi yang boleh.

"Namun begitu, saya mahu menjadi model setelah tidak lagi mewakili Malaysia," ujarnya.

Gracie Junita berjinak-jinak dengan sukan terjun sejak berusia lapan tahun lagi, kemudian dipilih menyertai skuad terjun Sarawak selepas sesi pemilihan di Sekolah Jenis Kebangsaan Cina Stampin, Kuching pada tahun 1992.

Setelah mewakili negerinya dan berjaya mencipta banyak kejayaan, dia serapkan pula ke skuad kebangsaan sehinggalah sekarang.

Pada Sukan SEA 2007, di Korat, Thailand, dia tidak dapat mewakili negara kerana memberikan tumpuan serius untuk menduduki peperiksaan Sijil Pelajaran Malaysia (SPM).

"Walaupun tidak dapat menyarungkan jersi negara di Korat kerana SPM, namun saya masih mengintai peluang ke Sukan SEA 2010, di Laos," ujarnya.



GRACIE Junita Terry Pega (dua dari kiri) dan atlet terjun Sarawak menunjukkan pingat emas yang dimenangi semasa Sukan Malaysia 2008 di Terengganu baru-baru ini.

- Satu meter papan anjal Asian Age Group 2006, di Jakarta, Indonesia (Pingat perak)
- Satu meter papan anjal Sukan Malaysia (Sukma) 2004, di Negeri Sembilan (Pingat emas)
- Tiga meter papan anjal Sukma 2004 (Pingat emas)
- Tiga meter papan anjal berirama Sukma 2004 (Pingat emas)
- Satu meter papan anjal Sukan SEA 2003, di Vietnam (Pingat perak)
- Satu meter papan anjal Sukma 2002, di Sabah (Pingat emas)
- Tiga meter papan anjal Sukma 2002 (Pingat emas)

